

四庫全書

史部

欽定四庫全書

史部

會稽志卷

五四

詳校官監察御史臣沈孫璉

檢討臣德生覆勘

總校官知縣臣楊懋珩

校對官編修臣盧遂

謄錄監生臣陳元熙

欽定四庫全書

會稽志卷四

宋 施宿等 撰

軍營

唐太宗時於府兵外置北門四軍則募兵也其後募兵寢盛為萬騎為左右神冊天子不可自將故命中官握之謂之北司北司始盛不可制而府衛為南衙兵寢廢不備朱梁懲唐北司之弊乃取禁旅天子自將之所謂侍衛馬部軍是矣周世宗又謂之殿前軍蓋亦侍衛之

比而加精銳然當時藩鎮亦皆募兵倚以跋扈雖世宗不能盡制也祖宗有天下因周之制又盡收天下雄勁士卒列營京畿足以坐制四方矣又謂郡亦不可無備則為之制其別有禁軍廂軍禁軍蓋因梁周之名而廂軍則因藩鎮舊名廂者乃當時分軍之名今內則龍神衛四廂及外郡有第幾廂之類皆部分耳禁軍猶曰京師之兵而廂軍則郡國所有雖衣糧有差降然皆選擇及歷歲久禁廂軍皆郡自募

始猶自京師分遣壯卒為募士之準謂之兵樣總易

以木槌木策而兵樣不至矣

於是禁軍則教閱以備征戍廂軍給役

而已禁軍有退惰者降為廂軍謂之落廂自熙寧後置將官而禁軍又有係將不係將之別則禁軍亦分為二

矣初梁太祖令諸軍悉黥面為細字各識軍號五代至

本朝因之方募時先度人材次閱馳躍次試瞻視

初舉手

問之而已其後又刻木作手加白堊舉以試之

然後瞻面而給衣屨緡錢謂之

招刺利物至今皆不改若或惜費罷募使軍士子弟失職或至於濫額冗濫者皆非也

禁軍

雄節係將第一指揮營在第五廂秦望門熙寧二年
置額五百人

威捷係將第二指揮營在第一廂都亭橋大觀二年
置額五百人

威果係將第二十二指揮營在第四廂鯉魚橋東宣
和五年十一月置先是四年二月詔增置戍將

至是下江浙諸州各置威果全捷各兩指揮隸侍

衛步軍司太守翟

汝文

置營於此額五百人

威果係將第二十三指揮在第三廂水溝坊南宣和五年置額五百人

全捷係將第四指揮營在第五廂秦望門宣和五年十一月置節鎮兩指揮餘州一指揮處以威果全捷為名餘州並以威果為名隸殿前司額五百人全捷係將第五指揮在第三廂水溝坊南額五百人威果不係將五十四指揮在第五廂卧龍坊宣和五

年置額五百人

全捷不係將十三指揮在第五廂秦望門宣和五年
置額五百人

防守步軍司指揮在欒宮禁園外紹興二年以後置
永祐陵二百五十五人永思陵八十五人永阜陵
八十五人永崇陵七十八人

廂軍

崇節第七指揮在第五廂秦望門熙寧二年置額五

百人

崇節第八指揮在第一廂錢武肅廟東熙寧二年置額五百人

壯城指揮在第一廂北善法寺側熙寧元年詔江浙兵官選少壯廂軍堪習武藝人充依例教閱量留重役以備使令宣和格壯城指揮帥府三百人節鎮二百人餘州一百人額四百人

牢城寧節第二指揮在第一廂馬坊橋東熙寧四年

詔放廂軍名額自騎射至牢城二百三十三色額
二百五十人

屯駐營在第五廂附威果營先係海州兵養老紹興
初屯駐額二十人

作院指揮熙寧六年置

刺員指揮

堰營

都泗堰營在會稽縣東額二十五人

曹娥堰營在會稽縣東南

梁湖堰營在上虞縣西額五十人

錢清南堰營在山陰縣西

錢清北堰營在蕭山縣東額五十人

打竹索營在上虞縣東

通明堰營在上虞縣東額二十五人

西興捍江營在蕭山縣西額二百人

土軍

三江寨屬山陰縣額一百八十二人

曹娥寨屬會稽縣額八十人

龕山寨屬蕭山縣額一百三十二人

西興寨屬蕭山縣額一百三十二人

西興都巡寨屬蕭山縣額一百三十八人

魚浦寨屬蕭山縣額四十八人

廟山寨屬餘姚縣額一百人

三山寨屬餘姚縣額一百人

眉山寨屬餘姚縣額二百人

長樂寨屬嵊縣額二百人

管界寨屬諸暨縣額一百人

新林寨屬蕭山縣額一百人

紫巖寨屬諸暨縣額一百人

弓手

會稽縣額九十五人

山陰縣額九十五人

嵯縣額九十八人

諸暨縣額一百一十三人

蕭山縣額七十人

餘姚縣額一百人

上虞縣額七十人

新昌縣額六十七人

倉

苗米倉在府衙東二百步

如坻倉在府衙東北一里熙寧十年程給事師孟建

秦少游書牘今猶存焉淳熙四年修

支鹽倉在府衙東二里

常平倉在府衙東二百步

夏麥倉在府衙南二百步

受納糯米倉在西門外二里

庫務場局等

都稅務在府衙東一里九十步

都酒務在府衙南一百二步

比較務在府衙南一百步

和旨庫在府衙東二百六十步

激賞庫在府衙東二里十步

公使庫在府衙

軍資庫在府衙

甲仗庫在府衙

架閣庫在府衙設廳北

常平庫在府衙西

茶鹽庫

經總制庫在通判北廳

移用庫在通判北廳

五分錢庫在通判北廳

激賞錢庫在府衙西

回易庫在府城東北

醋庫在府城東

造袋局在府東北

提舉司惠民局在府東

湯浦紙局

新林紙局

楓橋紙局

三界紙局

合同場在關

都物料場在府衙南子城內

受納稅場在府衙內

抽解竹木場在府橋

收糶糯米場在迎恩門外

受給場在府城東三十五里

排岸司在城南卧龍坊

浦陽府在城西四十里唐書云會稽有府一曰浦陽

蓋唐之兵府也今廢

都作院在府衙南

省馬上院在府衙西

省馬下院在府衙西

潛火隊在府衙西

衢巷

府城

隸會稽山陰

越城之中多古坊曲圖經所載間可攷知曰千秋坊

以千秋亭名蔡邕得緣竹以為笛

曰禮遜坊

以陳囂遜地名

曰解慍坊

以王

右軍書扇名

曰龍華坊

以古龍華寺名按江總修心賦梁太清二年嘗避地此

曰

玄真坊

以張志和所居名按本傳後又名回軒巷

曰澄波坊

以方平經池名

行其間宛然猶故處也曰卧龍

以山名

曰錦鱗

以橋名

曰照水

以湖名

曰都賜

以埭名

曰義井

以井名

曰天長

以觀名

名曰賢良

以齊唐名

曰富民曰觀仁曰清道曰德政此

皆舊坊至今存者其他更易蓋漫不可知矣按圖

經隸會稽坊二十隸山陰坊十有二厥後增益視

舊三倍不可勝記迺若甘露坊

者舊云古甘露巷是

鍾離坊

以鍾離意所居名

竹園坊

以陳囂竹園名

筆飛坊

以江淹所居名

雖復後

出於古有取焉若日池坊月池坊

池皆錢武肅王所鑿故坊以池

名因吳越而重也名之美者曰秦望

以門名

曰蕙蘭

以橋名

曰杏花

以寺名

曰花市

以市名

淳熙乙未郡人詹

君駢

既冠多士德政坊始更名狀元坊後二十一

年而莫君

子純

繼之於是復立狀元坊矣

剡縣一十坊皆如舊經進德益詠禮義清河嘉會兆

慶集賢通安豐安齊禮

諸暨縣二十坊八如舊經九更名三創立招賢西施

以西子所
游處名

范隣

以近范
義壇名

永寧臨津永壽安仁勸農

舊製錦集貨華纓浣溪綵織道山台輔使星芝山

更相門神秀狀元創

蕭山縣三坊皆如舊經清風

以許詢
宅名

招賢

以江淹宅
名並見寰

宇記通閭

餘姚縣一十坊九如舊經一更名履仁清和待士崇

禮訓俗通德太平時清永寧

舊雙桂更

上虞縣一十三坊皆如舊經尚德尊賢照位崇義卹

孤純孝好學屬文農務廉賈思仁重義習古

新昌縣四坊皆如舊經康樂

以謝靈運所游止名

霸越千秋太

平

凡外諸縣坊曲所以得名不能盡舉若諸暨之西施范隣蕭山之招賢清風新昌之康樂蓋古迹尤著云

館驛

府城

蓬萊館在卧龍山之左

史魏公建蓋府東亭舊址高宗皇帝巡幸嘗泊御舟於此

呂願浩奏事嘗曰臣等昨夕宿提刑司在御舟旁數步即謂此也

東問津亭北通

川亭皆臨府東大河

即古簞膠河是

水光映發望之如圖

畫舟車既屆必有次舍焉而實一州佳觀也子城

東門有豐宜館今為觀察判官署城西迎恩門東

五雲門皆有亭以送迎御香則繇陵寢寓是也按

圖經唐觀察使李紳嘗於府東建候軒亭今廢

襲明

子葆光錄稱皮光業徵時夢亭上偶人皆列拜覺而自負後果知東府事故老云翟忠惠公帥越亭

尚亡恙公出有風骨其緞窠闌干上或謂亭神府
實為崇也公怒即日撤毀之今市人猶稱軒亭

東北有安輶驛是為輶亭亦廢

諸縣

會稽縣有東城驛在縣東六十里今廢館二以待朝
陵官屬在縣東三十五里有上馬亭

山陰縣有仁風驛在縣北三里柯橋驛在縣西二十
五里錢清驛在縣西北五十里

剡縣有訪戴驛在縣東南五十五步戴溪亭在縣南

二百十步

諸暨縣有待賓驛在縣西南六十步今廢興樂驛在縣南五十里今廢亭濶驛在縣南二十里今廢使華館在縣東百六十步楓橋驛在縣東北五十里蕭山縣有夢筆驛在縣東北百三十步臨川亭在縣西北九十步蕭山館在縣西北百二十步駐旌亭在縣西一十二里日邊驛在縣西一十二里候春亭在縣之東門漁浦驛在縣南三十六里

餘姚縣有寧波驛在縣西五十步今廢津亭二在縣北一里

上虞縣有金壘驛在縣東二百步池湖驛在縣西南五十里之明亭在縣東一里適越亭在縣西一里新昌縣有南明驛在縣西一百步天媪驛在縣東南五十里

諸縣亭驛興廢大略在是其間歲月非有故實不復具書若戴溪亭夢筆驛一時風流皆

可想見也

郵置

周官行夫掌邦國傳遽注曰若今時乘傳騎驛而使者也乘傳騎驛而使必有頓止之次故傳置驛因皆為次舍之名田儋傳橫至尸鄉廐置張敖傳要之置廁魏相傳客詐止傳文帝二年十一月詔曰太僕見馬遺財足餘皆給傳置之類是也顏師古注云置者置傳驛之所蓋至唐而後謂頓止之次為驛也唐季五代以前猶以

民給其役謂之遞夫皇朝建隆二年乃悉以軍士充謂之鋪兵而為之制非法不許輒入驛役鋪兵與法所許而過其數者皆抵罪有急脚遞馬遞步遞三等元豐六

年八月始用金字牌

牌用朱漆以金飾字靖康元年嘗改用雌黃牌朱字高宗皇帝中興

乃復舊制

令急脚遞傳送御前文字尤速於急遞矣蓋放古

羽檄之意也稽留尺一罪至配流甚者上其罪能不廢其事亦次第推賞紹興五年諸軍斥堠鋪專承軍書其刑賞亦如之三十二年十一月又放斥堠之法立擺鋪遞

軍書與他文書之最急者降此則步遞也而謂之常程
然步遞亦有京遞省遞之別如令甲所云文書當遞赴
京者因謂之京遞紹興五年有旨諸路機速文書許入
尚書省急遞故又因謂之省遞焉今州境屬縣八凡為
鋪四十三鋪兵三百八十一人東南接明台婺西達於
行在所

獄

府院在府衙南

司理院在府衙南

市

照水坊市在城東南二百步

清道橋市在城西一里

大雲橋東市在城南二里屬會稽縣

梅市在城西十五里屬山陰縣梅市鄉鄉有梅福里

舊經云梅福傳有人見福會稽變姓名為市門卒

十道志云即梅福為監門處陸左丞適南亭記梅

山少西有里曰梅市即此

古廢市在都亭橋南禮遜坊舊經云蒯子訓貨藥於
此列仙傳云蒯子訓齊人賣藥於會稽市時乘青
騾往來忽然不見

大雲橋西市在城北屬山陰縣

龍興寺前市在城北二里旁有市門橋其北街曰市
北街寺今廢

驛地市在城北二里

江橋市在城北五里

堰

會稽縣

曹娥堰在縣東南七十二里唐光啟二年錢鏐破韓
公汶於曹娥埭與朱褒戰進屯豐山後埭遂為堰
治平中齊祖之撰曹娥重修解宇記云自陽武之
越堤開封之翟橋總為堰者二十七曹娥其一也
東郭堰在縣東南三里

陶家堰在縣東四十里

都泗堰在縣東三里宋何胤至都賜埭去郡三里因
曰僕棄人事此埭之遊於今絕矣梁江總言王父

昔莅此邦卜居山陰都賜里都賜今作都泗

按江總言

王父莅此邦乃江
彪也事見別卷

茅洋堰在縣東三十里

礬江堰在縣東二十二里俗作凡江

政平堰在縣東十五里

王家堰在縣東五十里

稱浦堰在縣東北三十里

杜浦堰在縣東五十五里

董家堰在縣東七里

嚴浦堰在縣東三十一里

瓜山堰在縣東四十二里熙寧中越州檢校會稽山

陰共管硤閘水碓六十一所瓜山堰之一

白米堰在縣東六十五里

言家堰在縣東三里

苦里堰在縣東北五十里

新埭堰在縣東七十里

夏家堰在縣東四十五里

彭家堰在縣東五十二里

石堰在縣東五里

山陰縣

南堰在縣南一里

三江門外堰在縣東北七里堰之北有則水牌

湖桑堰在縣西十里堰旁有小市居民頗繁

白樓堰在縣西四里常喜門外堰之西有則水牌政

和中立舊經云漢江夏太守宋輔於種山南教授

白樓亭世說許玄度孫興公共商略先達人物於

此注云亭在山陰臨流映壑今堰屬山陰縣界下

臨溪流昔之白樓亭斯近之矣俗呼常喜堰又名

湖塘堰

錢清舊堰在縣西北五十里

錢清新堰在縣西北五十一里嘉泰元年置先是小江南北岸各一堰官舟行旅汭汭往來者如織每潮迅西下壅遏不前則紛爭鬪援甚至毆傷堰卒革日繼夜不得休或以病告提舉茶鹽葉公甄因寓公之請始為之仍於堰旁各置屋以舍人牛蓋捐錫二百萬而兩堰告成人皆便之

蕭山縣

西興堰在縣西十三里古西陵也水經云西陵湖一名西成湖湖西有湖城山東有夏蓋山湖水上承妖梟溪下為浙江謝惠連有西陵遇風寄康樂詩見文選東坡杭州試院詩云為傳鐘鼓到西興

櫛水堰在縣西南三十里其地舊多櫛林

磧堰在縣南三十里

從塘堰在縣南二十五里

太末堰在縣東二十五里舊經漢會稽郡有太末縣

韓文關

太末之里按太末今信安郡堰名

關

里也

鳳堰在縣東一里梁郭原平常於永興縣南郭鳳埭
助人引船鳳堰意取此也

湊堰在縣東一里

楊辛堰在縣東一里

單家堰在縣西一十五里

章家堰在縣東北一里

錢清舊堰在縣東五十里

錢清新堰在縣東五十一里

賈家堰

張九堰

標山堰

餘姚縣

蘭風鄉堰一十三所

東山鄉堰九所

開元鄉堰二十三所

雲柯鄉堰一十三所

孝義鄉堰二十三所

道德鄉堰一十所

龍泉鄉堰五所

燭溪鄉堰四十八所

雙鴈鄉堰一十三所

梅川鄉堰七所

上林鄉堰三所

治山鄉堰三所

雲樓鄉堰八所

鳳亭鄉堰十一所

上虞縣

梁湖堰在縣西二十五里

通明北堰在縣東一十里

通明南堰嘉泰元年冬始置海潮自定海歷慶元府

城南抵慈溪西越餘姚至北堰幾四百里地勢高
仰潮至輒回如傾注鹽運經由需此

瓜山閘在縣東四十里

少微山閘在縣東五里

曹娥閘在縣東南七十二里

山陰縣

玉山閘在縣北一十八里唐貞元元年觀察使皇甫
政始置斗門泄水入江後置閘

蕭山縣

清水閘在縣西一十里二百步景德三年知越州王
礪置清渾二水閘往來者便之王荊公蕭山詩云
靈胥引水清穿市謂此水也

渾水閘在縣西一十二里

標山閘在縣東

縣履仁鄉需水溉田即啟閘放水
小江水遇澇即泄水以入於江

徐家閘在縣西三十五里

縣長興安養二鄉地極多遇
旱決湖溉田先開閘須二鄉

水足然後落閘
放水夏孝鄉

謝婆閘在縣西一十一里

村口閘在縣西一十一里

餘姚縣

康堰閘在縣東北五十里

橫河閘在縣北三十里

石堰閘在縣北二十里

上虞縣

夏蓋湖閘在縣西南四十里閘在湖之北

陳倉閘在縣

橫河閘在縣

小穴閘在縣西北四十五里

西溪湖閘在縣南三里

孟家橋閘在縣東南一里三步

清河坊閘在縣東南一里

通明閘在縣東一十里景德中置今廢

斗門

會稽縣

萬口斗門在縣東六十六里

曹娥斗門在縣東南七十二里俗傳魯宣靖公宰邑所置魯南豐鑑湖序云湖有斗門六所曹娥其一也

三江斗門在縣東北八里三江說不同俗傳浙江浦陽江曹娥江皆匯於此舊有堰今廢為斗門東南通鏡湖運河北達於海史記河渠書云於吳則通

渠三江五湖貨殖傳云夫吳有三江五湖之利國語吳越春秋載伍子胥之言曰吳越之國三江環之民無所移謂吳越地舊有三江通渠貨利足以自殖民居其中無所移徙可也史記正義云松江古笠澤江也上江一名東江下江一名婁江於其分處為三江口國語注云三江者松江錢塘江浦陽江也水經注云江水東逕黃橋下江水又東逕餘姚縣故城南江水又東注於海是所謂三江也

以地里攷之史記國語所謂三江皆在吳不在越
水經云江水逕黃橋餘姚縣南者乃姚江也與今
三江不合蓋今江東北流由直北以達於海非特
泝姚江而後至海也酈道元叙會稽浦陽江已誤
其論三江不合固宜按禹貢三江既入震澤底定
孔安國云江從彭蠡分為三共入震澤復分為三
乃入海說者未以為當至他諸儒論載各異如顏
師古云中江南江北江也郭景純云岷江浙江松

江也韋昭云松江浙江浦陽江也眉山蘇氏云北江中江南江也王介甫云義興毗陵吳縣三所各為一江也禹迹已邈書傳浩渺未易折衷而史記正義獨辨韋昭之注為不然蓋以其江在吳越間似是而非爾吳越春秋云范蠡去越出三江之口入五湖之中水經引庾仲初揚都賦云今太湖東注為松江下七十里有水口分流東北入海為婁江東南入海為東江此江又為三矣顧野王地志

云松江東北行七十里得三江口東北入海為婁江東南入海為東江并松江為三江也今姑以吳越論之婁江東松江者吳之三江也松江錢塘江浦陽江者吳越之三江也東逕黃橋又逕餘姚縣南及東注於海者越之三江也至如錢塘江浦陽江曹娥江今滙為斗門者越人所謂三江也俱存之以俟博聞之君子

山陰縣

朱儲斗門在縣東北二十里唐貞元初觀察使皇甫
政鑿玉山朱儲為二斗門以蓄水後築塘湮廢景
德三年知山陰縣大理丞段裴改造嘉祐三年知
縣李茂先尉翁仲通更以石治斗門八間覆以行
閣閣之中為亭以即塘北之水東西距江一百一
十五里溉田二千一百一十九頃凡所及者一十
五鄉里人沈少卿紳撰記略曰沿湖水門衆矣廣
陵曹娥是皆故道而朱儲為大曾南豐鑑湖序云

去湖最遠者朱儲斗門也

新涇斗門在縣西北四十六里唐太和七年浙東觀

察使陸亘始置

涇音徑已見水類

廣陵斗門在縣西北六十四里

柯山斗門在縣西北二十里

餘姚縣

東山斗門

雲柯鄉斗門二所

龍泉鄉斗門五所

上林鄉斗門五所

冶山斗門

雲樓斗門

燭溪湖東斗門

石堰斗門

上虞縣

曹娥斗門在縣西三十五里

七里斗門在縣西二里

會稽志卷四

欽定四庫全書

會稽志卷五

宋施宿等

撰

戶口

舊經具錄兩漢地理郡國志晉地道記太康地志及宋齊隋唐戶口然領縣多寡與今不同前漢會稽一郡兼
閩浙而有之後漢則東浙與閩皆在焉吳又頗包江東
至吳錄領縣乃兼有明州之境宋齊州郡志亦是則
前代戶口之數不可用於今也惟唐志載開元二十三

年戶部帳可以較登耗其曰領縣七者時新昌猶未置也今斷自唐始

開元戶部帳戶九萬二百七十九口五十二萬九千五百八十九

國朝大中祥符四年戶一十八萬七千一百八十丁三十二萬九千三百四十八

會稽戶三萬四千七十六丁三萬五千五百八十

五

山陰戶二千一百七十一丁三千八百

剡戶三萬二千五百七十八丁五萬五千六

諸暨戶四萬九千六十二丁七萬七千五百六十

七

蕭山戶二萬三千八十六丁三萬九千四百五十

三

餘姚戶二萬一千六百三丁四萬一千九百一十

三

上虞戶五千一百四十一丁二萬八千二百五十

七

新昌戶二萬三丁四萬七千七百六十七

元豐九域志主戶一十五萬二千五百八十五客戶
三百三十七

嘉泰元年主客戶二十七萬三千三百四十三丁三
十三萬四千二十中老幼殘疾不成丁一
十萬七千七十二

會稽戶三萬五千四百六丁四萬一千七百八十

一不成丁一萬四千三百七十八

山陰戶三萬六千六百五十二丁四萬六千二百

二十七不成丁一萬五千七百六十七

嵯縣戶三萬九千七百九十二丁五萬三千五百

七十七不成丁一萬七千四百七十八

諸暨戶四萬二千四百二十四丁五萬六千四百

二十一不成丁一萬八千五百二十七

蕭山戶二萬九千六十三丁三萬五千一百六十八不成丁九千四百七十五

餘姚戶三萬八百八十三丁三萬二千一百四十五不成丁一萬二百三十四

上虞戶三萬三百三十三丁三萬二千三百一十九不成丁九千四百五十八

新昌戶二萬八千八百二十丁三萬六千三百八十二不成丁一萬一千七百五十五

賦稅

夏

戶人身丁錢舊管三萬六千七百六十五貫二百六

十九文足

今催五萬三千五百八十二貫六百六十八文

省

會稽四千六百一貫四百三十文

今催六千二百二十四貫八百八十文

山陰五千一百三十七貫八百一十三文

今催六千三十八貫九百九十二文

剡縣五千八百八十九貫八百五十文

今嵎縣催七千四百一十二貫七百二十八文

諸暨八千四百三十七貫一百五十文

今催一萬三百一十四貫七百五十二文

蕭山二千四百五十六貫六百六十六文

今催二千九百三十三貫六百五十六文

餘姚三千三百三十一貫八百六十文

今催五千四十七貫六百八十九文

上虞三千二百九十八貫二百文

今催五千一百二十六貫七百二十文

新昌三千六百一十二貫三百文

今催一萬四百七十三貫二百五十一文

緇舊管九千一百六十四足三丈八尺四寸三分

今催八千六百一足三丈三尺四寸六分六釐

會稽一千四百六十九疋二丈二尺一寸五分

今催一千三百八十八疋一丈一尺一寸五分

山陰一千八百二十八疋一丈三尺七寸

今催一千七百九十四疋七尺五寸五分五釐

剡縣九百二十疋二丈六尺三寸

今嵊縣催九百二十九疋一丈四尺四寸一分

諸暨一千四百五疋三丈八尺三寸

今催一千一百六十六疋一丈四尺四寸一分

一釐

蕭山九百八十七疋一丈八尺八寸

今催一千四疋二丈六尺二寸三分

餘姚九百二十九疋一丈二尺五寸八分

今催九百七十疋三丈五尺三寸八分

上虞一千三百三十五疋三丈七尺

今催一千八十六疋一丈一尺四寸三分

新昌二百八十七疋二丈九尺六寸

今催二百六十一足三丈二尺九寸

絹舊管九萬八千二百四十六足四尺五寸

今催九萬九千八百九足二尺一寸九分四釐

六毫

會稽一萬一千一百六十六足二尺七分

今催一萬三千七百一十八足二尺一寸五分

五釐

山陰一萬七千六百九十四足三丈八尺九寸

今催一萬七千二百四十七足一丈九尺四寸
剡縣一萬一千三百六十七足三丈二尺六寸

今嵎縣催一萬三千二百二十四足八尺四寸

四分三釐

諸暨二萬八百二十足二丈二尺

今催一萬八千六足二丈八尺六寸三分六毫

蕭山一萬三十八足四尺一寸七分

今催一萬四百八十八足三尺九寸一分三釐

餘姚一萬一千八百一十疋三丈七尺

今催一萬二千四百二十二疋一丈七尺五寸

五分

上虞一萬三千九十九疋二丈一尺

今催一萬二千四百四十九疋一丈八尺一寸

三分三釐

新昌二千二百四十八疋一丈六尺七寸六分

今催二千二百五十二疋三丈三尺八寸七分

綿舊管五萬八千九百八十一屯四兩四錢八分九釐七毫五絲

今催四十一萬二千二百五十二兩七錢一分七釐九毫五絲

會稽七千七百四十二屯二兩五錢九分七釐五絲

今催五萬三千四百一十兩九錢二分九釐七毫五絲

山陰九千一百二十二屯四兩三錢八分五釐

今催六萬七千五百三十六兩一錢三分四釐

七毫五絲

剡縣五千九百七十七屯一兩六錢五分

今嵎縣催四萬八千五百七十四兩五錢六分

六釐二毫五絲

諸暨一萬一千五百二十九屯三兩四錢八分

今催八萬四千四百四十三兩一錢六分八釐

七毫五絲

蕭山五千九百二十九屯四兩二分

今催四萬一千八百八十四兩四錢五分七釐

八毫五絲

餘姚六千六十八屯四兩

今催五萬六千二百四十三兩七錢八分一釐

二毫五絲

上虞六千九百七十二屯二兩二錢五分五釐

今催四萬六千一百九十七兩二錢五分五釐

三毫五絲

新昌五千六百三十九屯一錢九分

今催一萬三千九百六十二兩四錢二分三釐

秋

苗米舊管二十四萬九千二百二十石五斗六升七

合九勺

今催二十五萬二百六十五石二升七合七勺

會稽額管三萬七千九百五十石七斗八升七合

四勺

撥充職田學糧

欒宮買過田免納

石五斗九升一合三勺卅江逃絕等九百一

十石三斗三升

合催三萬五千六百四十二石八斗六升六合

一勺

山陰額管四萬六千五百三十三石六斗六升五

合二勺

撥充職田等二百五十六石一斗六升五合九

勺卅江逃絕七百四十五石八斗

合撥催四萬五千五百三十一石六斗九升九

合三勺

嵯縣額管二萬四百三十五石一斗五升一合九

勺

坍溪五百七石七斗三升

合催一萬九千九百二十七石四斗一合九勺
諸暨額管三萬六千一百七十八石一斗九升三

合一勺

坍江逃絕等一千七百八十一石一斗三升

合催三萬四千三百九十七石六升三合一勺

蕭山額管三萬一千六百三十石五斗四升一合

七勺

撥充職田學糧九百一十五石一斗一合卅江
逃絕等四百七石六斗一升

合催三萬三百七石八斗三升一合七勺

餘姚額管三萬二千五百七十五石五斗一升七
勺

卅江海移埭海塘等九百三石五斗一升

合催三萬一千六百七十二石七勺

上虞額管三萬七千八百九十七石六斗六升一

合五勺

合零就整三百三十四石二斗三升卅江等三千四十六石二斗四升

合催三萬四千五百一十七石一斗九升一合五勺

新昌縣額管七千六十三石五斗三升五合二勺
合零就整等一百一十五石一斗七合七勺卅
溪二百八十八石九斗一升

合催六千六百五十九石五斗一升七合五勺
舊額之外創增

和買一十萬疋係經建炎三年十一月紹興二年九月
八年二月淳熙八年閏三月紹熙元年二月五次蠲
減之數

會稽一萬三千二百四十三疋九尺二寸

山陰一萬四千七百四十三疋二丈七尺九寸

嵊縣一萬七千九十八疋二丈二尺五寸

諸暨一萬八千八百五十五疋二丈二尺四寸

蕭山一萬四千二百六十一疋八寸

餘姚七千七百疋七尺

上虞七千二百九十七疋三丈五尺八寸

新昌六千七百九十九疋三丈四尺四寸

役錢一十六萬七千九百二十八貫九百五十文

會稽一萬八千七百四十三貫八十八文

山陰二萬二千一十三貫九十八文

嵎縣二萬一千九百七貫七百三十文

諸暨二萬六千三百七十八貫八十一文

蕭山一萬三千九百一貫四百一十文

餘姚三萬九千四十四貫五百七十七文

上虞一萬三千九百五十一貫九百八十六文

新昌一萬一千九百八十八貫九百八十文

水陸茶錢八千八貫二百三文

會稽二千八百八十八貫六百五十八文

山陰一千八百五十一貫三百一十六文

嵊縣七百四十貫一百一十七文

諸暨八百三十貫文

蕭山三百二十一貫三百三十三文

餘姚二百九十二貫九百一十三文

上虞八百五十二貫八百六十六文

新昌二百三十一貫文

小綾二千五百足折錢一萬五千四百二十二貫五百

文

會稽二百五十足折一千五百四十二貫二百五

十文

山陰二百五十足折一千五百四十二貫二百五

十文

嵊縣二百五十足折一千五百四十二貫二百五

十文

諸暨六百足折三千七百一貫四百文

蕭山六百足折三千七百一貫四百文

餘姚二百足折一千二百三十三貫八百文

上虞二百足折一千二百三十三貫八百文

新昌一百五十足折九百二十五貫三百五十文

湖田米六萬六千三石七斗四升三合一勺

會稽二萬六千二百六十四石五升

山陰三萬二千六百八十九石五升三合一勺

諸暨四千二百一十石三斗二升

蕭山二千八百四十石三斗二升

職田米一萬五千九百九十九石五斗

會稽四千六百二十一石九斗四升

山陰四千二百八十四石九斗

嵯縣三百三十三石七斗

諸暨一千四百一十一石五斗八升

蕭山二千八百八十六石九斗七升

餘姚一千八十五石四斗七升

上虞一千三百七十四石九斗四升

折變

會稽免折變紹興三十二年本府奏會稽縣十七十八十九都皆攢宮所在請有以寬卹之十月三日詔會稽三都人戶二稅不得支移折變常賦外免其他差使至隆慶二年本府又申浙東和買本府既重而會稽視諸縣為尤重欲乞用永安縣優卹舊例盡蠲一縣支移折變五月六日詔從之

折帛錢三十三萬四百三十二貫六百二十八文

係將人戶鹽稅紬綿絹丁鹽和買絹數內科
折每紬一疋折納一丈三尺三寸綿一兩折
納五錢丁鹽稅絹一疋折納八尺和買一疋
折納一丈和買每疋折錢六貫五百文它絹
若紬每疋並折七貫文綿每兩并耗折四百
六十文

山陰六萬四千一十五貫一百八十文

嵯縣五萬三千五百三十四貫五百三十五文
諸暨七萬五千五百三十七貫一百二十六文
蕭山四萬三千六百六十八貫四百八十四文
餘姚三萬五千五百七十六貫六百五文

上虞三萬九千三百一十三貫八百文

新昌一萬八千七百八十六貫八百九十文

折紬綿四萬一千五百三十一兩每紬一疋數目折
納一丈三尺三寸以綿一十七兩折紬一疋

惟山陰以折帛之餘盡折為綿不輸本色蓋
會稽既免折變當時折紬之綿無自出又不
欲偏科它邑故盡以歸山陰麥及糯米亦然
故山陰折變視他邑為重

山陰一萬二百兩

嵎縣五千二百一十九兩

諸暨七千七百八十六兩

蕭山五千七百四十六兩

餘姚五千七百九十七兩

上虞五千六百二十七兩

新昌一千一百五十六兩

折稅絹麥六千六百九十九石三斗六升一合諸縣
科敷等第不同然皆以二石四斗一升折絹
一疋

山陰一千六百三十三石三斗四升

嵊縣二百九石五斗

諸暨七百二十石

蕭山一千一百四石九斗九升

餘姚一千六百四十二石七斗九升六合

上虞一千二百八十九石九斗五升

新昌九十七石七斗八升五合

折苗糯米一萬九千六百六十二石八斗三升八合

諸縣科數等第不同然皆以一石折苗一石

一斗一升

山陰五千一百石一斗八升

嵊縣四百八十三石四斗

諸暨三千九百一十石六斗一升

蕭山二千九百四十八石二斗八升九合

餘姚三千三百三十石八斗八升六合

上虞三千六百三十五石四斗七升三合

新昌二百五十四石

課利

稅

都稅務祖額五萬四千八百三貫二百一十四文

遞年六萬二千二百五十六貫九百五十九文

六縣七場一務

嵯縣祖額二千五百九十三貫七百二十一文

遞年起到三千五百五十一貫六百七十七文

諸暨祖額八千六百八十一貫二百一十五文

遞年起到四千八百一十八貫三百七十八文

蕭山祖額三千五百七十一貫三百一十文

遞年起到五千七百九十五貫七百一十八文

餘姚祖額四千九百七十三貫四百九十九文

遞年起到三千四百七十六貫九十五文

上虞祖額四千六十一貫四百九十一文

遞年起到二千八百八貫二十六文

新昌祖額二千五十一貫二百八十四文

遞年起到九百五十八貫四十四文

錢清場祖額七千六百六十九貫七百五十七文

遞年起到一千九百四十五貫五百三十八文

曹娥場祖額五千六百七十三貫一百五十一文

遞年起到六千二百八十五貫五百一十六文

三界場祖額三千四百八十六貫七百四十二文

遞年起到一千五百四十四貫二百八十四文

蛟井場祖額一千七百八十三貫一百二十六文

遞年起到一千七百四十三貫四百三十九文

楓橋場祖額一千九百五十五貫六十七文

遞年起到三千九十貫五百六十九文

新林場祖額一千三百一十貫七十六文

遞年起到一千一百三十九貫一百二十六文

溪口場祖額四百八十三貫六百三十八文

遞年起到九百八十一貫二百一十七文

漁浦務祖額二千六百七十三貫五百八文

遞年起到四千九百一十九貫四百二十八文

鹽

四場每歲買納

錢清五千一百一十九石九斗八升

曹娥一萬二千八十三石四斗

三江二萬二千五百五石八斗二升

石堰六萬三千四百二十三石六斗

八縣每歲佳賣

會稽二千二百五十斤

山陰二千二百五十斤

嵊縣二萬四百斤

諸暨八萬二千五百斤

蕭山二千七百斤

餘姚二千七百斤

上虞八千七百斤

新昌四千八百斤

茶

八縣每歲批發住賣

會稽批發二萬三千三百二十斤

住賣九百二十斤

山陰批發七千七百斤

住賣六千四百一十斤

嵊縣批發二百斤

住賣五千四十斤

諸暨批發無

住賣六千一百三十斤

蕭山批發一百斤

住賣六千八百五十斤

餘姚批發一萬四千六百斤

住賣三百斤

上虞批發六百斤

住賣六百斤

新昌批發無

住賣四百五十斤

酒

都務祖額二萬五千三百三十四貫七百八十七文
比較務祖額一萬五百五十六貫一百六十一文
贍軍務祖額二萬五百二十七貫八十文

和旨樓祖額六千三百三十三貫六百九十八文
嵯縣祖額一萬二千七百七十四貫九百二文

遞年起到四千五百八十六貫六百六十六文

諸暨今屬戶部

蕭山祖額一萬七千二百九十六貫五百十九文

遞年起到九千五百四十一貫二百四十文

餘姚祖額一萬九千七百二十七貫七百二十文

遞年起到四千五百三十四貫七百五十文

上虞祖額九千六十六貫三百七十文

遞年起到五千五貫五十三文

新昌祖額六千五百二十一貫二百二十一文

遞年起到二千七十三貫八百三十九文

漁浦祖額一萬五千二百九十五貫六百一十九文
遞年起到五千四百九十四貫四十九文

經總制錢

經總制錢之名始於徽宗時大漕陳邁所建至建炎初
呂忠穆公又增廣潤色之

經制錢一十九萬七千八百一十九貫一百文

總制錢二十一萬一千四百一十貫一十四文

添收頭子錢二萬七千二百六十四貫六百二十

三文

增收朱墨勘合錢四千九百二十七貫八百二十

一文

二項係乾道元年十月二年九月增添每年附

總制帳起發

經總制立額之初一切取辦所至困於太重淳熙十六年因言者有請上命臺諫及戶部長貳參詳

減額且命諸路監司取十年增虧數開申是年八

月有旨紹興府經總制錢各減三萬貫

今額即其已減者

若總制則得十之四猶有可取名數經制雖多方
科取僅得十之六歎歲又不能及此宮陵園廟營
繕等費及南班宗室忠順官等俸皆仰以給當以
時辦至於起發降本七萬貫當不能足蓋高額實
無所收而七萬餘貫蠲減不盡雖歲以聞於朝未
報也

按宣和三年發運使經制兩浙東西財賦陳邁
乞於東南諸州權添賣酒賣糟并典賣田宅稅
契錢并添收樓店務白地三分錢官員添給頭
子錢並充經制及建炎初總制使翁彥國乞將
諸州酒稅牙契錢分隸入總制司而發運判官
霍蠡請置云戶部郎官黃敦書請置未詳紹興
十年詔委逐州通判專一主管經總制錢如監
司州縣擅行允借拘截取撥侵移互用不以赦

降原減

先是正錢一貫收頭子錢一十五文并直達綱頭子錢一十五文既而增收頭

子錢一十二文凡四十三文以二十八文五釐為經制錢七文為總制錢五文五分為移用錢一文九分五釐為州公使錢五分為提刑司公使錢乾道中又增頭子錢一十三文皆入總制此其所謂分隸之數也

雜貢

會稽於禹貢屬揚州貢金三品瑤琨篠簜齒革羽毛惟木厥篚織貝厥包橘柚周官職方氏實為東南巨鎮其利金錫竹箭班固志地理考迹詩書推表山川以綴禹

貢周官春秋下及戰國秦漢而土貢雜物無所登載至
唐頗多若編文紗寶花紋等羅白編交梭十樣花紋等
綾輕容生穀花紗吳絹丹砂石蜜橘葛粉瓷器紙筆皇
朝務從蠲省以祥符圖經元豐九域志參攷之承平之
久雖微有增益然以匹貢者為綾二十排花紗十輕容
紗五表紙千張瓷器五十事今貢輕容紗五疋越綾十
疋而已當漢建武時光武因陸閔所着越布單衣勅會
稽郡嘗獻此殆所謂錫貢非故常也

會稽志卷五